

雜證謨

會稽 張介賓 會卿著

會稽 魯 超 謙菴訂

泄瀉

經義

金匱真言論曰長夏善病洞泄寒中

陰陽應象大論曰清氣在下則生飧泄濁氣在上則生脹脹○

濕勝則濡泄○春傷於風夏生飧泄○水穀之寒濕感則害

人六腑

臟氣法時論曰脾病者虛則腹滿腸鳴飧泄食不化

百病始生篇曰虛邪之中人也留而不去傳舍於腸胃多寒則

腸鳴飧泄食不化多熱則溏出糜

舉痛論曰寒氣客於小腸小腸不得成聚故後泄腹痛矣○怒則氣逆甚則嘔血及殮泄故氣上矣

經脉篇曰脾所生病心下急痛溏瘕泄○肝所生病胸滿嘔逆

殮泄狐疝

宣明五氣篇曰大腸小腸為泄

厥論曰少陰厥逆虛滿嘔變下泄清

太陰陽明論曰食飲不節起居不時者陰受之陰受之則入五

臟入五臟則臍滿閉塞下為殮泄久為腸澼

陰陽別論曰一陽發病少氣善欬善泄

邪氣臟腑病形篇曰肺脉小甚為泄○腎脉小甚為洞泄

脉要精微論曰胃脉實則脹虛則泄○數動一代者病在陽之

脉也洩及便膿血○久風為殮泄○倉廩不臍者是門戶不

要也水泉不止是膀胱不臍也得守者生失守者死

平人氣象論曰尺寒脉細謂之後泄

玉機真臟論曰脉細皮寒氣少泄利前後飲食不入此謂五虛

○泄而脉大脫血而脉實皆難治

師傳篇曰臍以上皮熱腸中熱則出黃如糜○臍以下皮寒胃

中寒則腹脹腸中寒則腸鳴飧泄○胃中寒腸中熱則脹而

且泄

論疾診尺篇曰大便赤辦飧泄脉小者手足寒難已飧泄脉小

手足温泄易已○春傷於風夏生後泄腸澼

欬論曰五臟各以治時感於寒則受病微則為欬甚則為泄為

痛

熱病篇曰泄而腹滿甚者死

玉版篇曰其腹大脹四末清脫形泄甚是一逆也○腹鳴而滿

四肢清泄其脉大是一逆也○欬嘔腹脹且飧泄其脉絕是

五逆也

標本病傳論曰先病而後泄者治其本○先泄而後生他病者治其本

四時氣篇曰飧泄取三陰之上補陰陵泉皆久留之熱行乃止
氣交變大論曰歲木太過民病飧泄食減體重煩冤腸鳴腹支
滿○歲火太過民病血溢血泄注下○歲土太過民病腹滿
溏泄腸鳴反下甚○歲水太過土臨太陽病反腹滿脹鳴溏
泄食不化○歲木不及民病少腹痛腸鳴溏泄○歲火不及
復則埃鬱病鶩溏腹滿食飲不下寒中腸鳴泄注腹痛○歲
土不及民病飧泄霍亂體重腹痛○歲金不及民病血便注
下○歲水不及民病身重濡泄

五常政大論曰昀監之紀上角與正角同其病飧泄邪傷脾也
○發生之紀上微則其氣逆其病吐利

六元正紀大論曰不遠熱則熱至不遠寒則寒至寒至則堅痞
腹滿痛急下利之病生矣熱至則身熱吐下霍亂血溢血泄
淋瀝之病生矣○太陰所至爲中滿霍亂吐下○厥陰所至
爲脇痛嘔泄○少陽所至爲暴注○太陽所至爲流泄禁止
至真要大論曰歲少陽在泉火淫所勝民病注泄赤白少腹痛
尿赤甚則血便少陰同候○厥陰司天風淫所勝民病食則
嘔冷泄腹脹溇泄癉水閉病本於脾○少陽司天火淫所勝
民病泄注赤白○陽明司天燥淫所勝民病寒清於中感而
癉欬腹中鳴注泄驚溇病本於肝○厥陰之勝腸鳴殞泄少
腹痛注下赤白○少陰之勝腹滿痛溇泄傳爲赤沃○太陰
之勝濕化乃見善注泄○陽明之勝清發於中左肱脇痛溇
泄○太陽之勝寒入下焦傳爲濡泄○陽明之復清氣大來
甚則心痛痞滿腹脹而泄○諸病水液澄澈清冷皆屬於寒

○暴注下迫皆屬於熱

論證元三條

川內經有言飧泄者有言濡泄者皆泄瀉也有言腸澼者卽下痢也然痢之初作必由於瀉此瀉之與痢本爲同類但瀉淺而痢深瀉輕而痢重瀉由水穀不分出於中焦痢以脂血傷敗病在下焦在中焦者濕由脾胃而分於小腸故可澄其源所以治宜分利在下焦者病在肝腎大腸分痢已無所及故宜調理真陰并助小腸之主以益氣化之源此瀉痢之證治有不同而門類亦當有辨然病實相關不可不兼察以爲治也

一泄瀉之本無不由於脾胃蓋胃爲水穀之海而脾主運化使脾胃和則水穀腐熟而化氣化血以行營衛若飲食失節起居不時以致脾胃受傷則水反爲濕穀反爲滯積華之氣

不能輪化乃致合污下降而瀉痢作矣脾強者滯去自愈此強者之宜清宜利可遂可攻也脾弱者因虛所以易瀉因瀉所以愈虛蓋關門不固則氣隨瀉去氣去則陽衰陽衰則寒從中生固不必外受風寒而始謂之寒也且陰寒性降下必及腎故瀉多必以陰謂以其陰中之陽耳所以泄瀉不愈必自太陰傳於少陰而爲腸澼腸澼者豈非降泄之甚而陽氣不升臟氣不固之病乎凡脾胃氣虛而有不升不固者若復以寒之復以逐之則無有不致敗者此強弱之治大有不同故凡治此者有不可驟言清利也

一泄瀉之因惟水火土三氣爲最夫水者寒氣也火者熱氣也土者濕氣也此瀉痢之本也雖曰木亦能瀉實以土之受傷也金亦能瀉實以金水同氣因其清而失其燥也知斯三者若乎盡矣然而三者之中則又惟水火二氣足以盡之蓋五

身部全書 卷之二十一
行之性不病於寒則病於熱大都熱者多實虛者多寒凡實熱之證必其脉盛形強声音壯亮食飲裕如舉動輕捷者此多陽也虛寒之證必其脉息無力形氣少神言語輕微舉動疲倦者此多陰也故必察其因而於初瀉之時卽當辨其有餘不足則治無不愈而亦不致有誤矣

分利治法共二條

凡泄瀉之病多由水穀不分故以利水爲上策然利水之法法有不同如濕勝無寒而瀉者宜四苓散小分清飲之類主之但欲分其清濁也○如濕挾微寒而瀉者宜五苓散胃苓湯之類主之以微溫而利之也○如濕熱在脾熱渴喜冷而瀉者宜大分清飲茵陳飲益元散之類主之去其濕熱而利之也

世爲之病多見小水不利水穀分則瀉自止故曰治瀉不利

小水非其治也然小水不利其因非一而有可利者有不可利者宜詳辨之○如濕勝作瀉而小水不利者以一時水土相亂併歸大腸而然也○有熱勝作瀉而小水不利者以火乘陰分水道閉澁而然也○有寒瀉而小水不利者以小腸之火受傷氣化無權而然也○有脾虛作瀉而小水不利者以土不制水清濁不分而然也○有命門火衰作瀉而小水不利者以真陰虧損元精枯涸而然也○凡此皆小水不利之候然惟暴注新病者可利形氣強壯者可利酒濕過度口腹不慎者可利實熱閉澁者可利小腹脹滿水道痛急者可利○又若病久者不可利陰不足者不可利凡證多寒者不可利形虛氣弱者不可利口乾非渴而不喜冷者不可利蓋虛寒之瀉本非水有餘貴因火不足本非水不利實因氣不行大病不因水而利則凶陰瀉以火虛而利復傷氣倘不察

其所病之本則未有不愈利愈虛而速其危者矣

諸泄瀉論治共九條

一泄瀉之暴病者或爲飲食所傷或爲時氣所以無不由於口
腹必各有所因宜察其因而治之○如因食生冷寒滯者宜
抑扶煎和胃飲之屬以溫之○因濕滯者宜平胃散胃苓湯
或白朮芍藥散以燥之利之○因食滯而脹痛有餘者宜大
小和中飲之屬以平之○因氣滯而痛瀉之甚者宜排氣飲
或平胃散之屬以調之○因食滯而固結不散或胃氣之強
實者宜神祐丸赤金豆百順丸之屬以行之○凡初感者病
氣未深臟氣未敗但畧去其所病之滯則胃氣自安不難愈
也

一凡脾氣稍弱腸氣素不強者一有所傷未免卽致泄瀉此雖
爲初病便當調理元氣自非強盛偶傷者之比○如因瀉而

神氣困倦者宜養中煎或溫胃飲或聖木煎或四君子湯或
五君子煎○如微寒兼滯而不虛者宜佐關煎○若脾虛而
微滯者宜五味異功散○若脾虛而微寒微滯者宜六味異
功煎或溫胃飲○若因飲食不調忽而溏瀉以漸而甚或見
微痛但所下酸臭而顏色淡黃便是脾虛胃寒不化之證卽
宜用五德丸再甚者卽宜用胃關煎切勿疑也

一凡兼真陰不足而爲泄瀉者則或多臍下之痛或於寅卯時
爲甚或食入已久反多不化而爲嘔惡溏瀉或瀉不甚臭而
多見完穀等證蓋因丹田不煖所以尾閭不固陰中少火所
以中焦易寒此其咎在下焦故曰真陰不足也本與中焦無
涉故非分利所及也惟胃關煎一劑乃爲最上之乘且人之
患此者最多勿謂其爲新病而不可用也勿謂其爲年少而
未宜用也覺有是證卽宜是藥劑少功多攸利非小但知者

其先昧者見其後見其後恐見之遲夫所以貴先見也

一腎泄證卽前所謂真陰不足證也每於五更之初或天將明時卽洞泄數次有經月連年弗止者或暫愈而復作者或有痛者或有不痛者其故何也蓋腎爲胃關開竅於二陰所以二便之開閉皆腎臟之所主今腎中陽氣不足則命門火衰而陰寒獨盛故於子丑五更之後當陽氣未復陰氣盛極之時卽令人洞泄不止也古方有椒附丸五味子散皆治此之良方若必欲陽生於陰而腎氣充固則又惟八味地黄丸爲宜然余嘗用此則似猶未盡善故特製胃關煎一炷丹丸丹復陽丹之屬斯得其濟者多矣或五味子丸亦佳其有未甚者則加五德丸四神丸皆其最宜者也

凡脾泄久泄證大都與前治脾弱之法不相遠但新瀉者可治標久瀉者不可治標且久瀉無火多因脾腎之虛寒也○

若止因脾虛者惟四君子湯參朮湯參苓白朮散之屬爲宜
○若脾胃單寒者宜五君子煎黃芩丸五德丸○若脾氣虛
寒兼滯悶者宜六味異功煎溫胃飲聖朮煎○若脾氣虛寒
之甚而飲食減少脾疲氣倦宜參附湯朮附湯十全大補湯
○若病在下焦腎氣虛而微熱者宜六味地黃湯微寒者宜
八味地黃湯或胃關煎○若脾虛溏泄久不能愈或小兒脾
泄不止者止用敷阜糕粘米同腸糕亦易見效○若脾胃寒
濕而溏泄不止者蒼朮丸亦佳○若久瀉元氣下陷大腸虛
滑不收者須於補劑中加烏梅五味子粟殼之屬以固之
一大瀉如傾元氣漸脫者宜速用四味回陽飲或六味回陽飲
主之凡暴瀉如此者無不卽效若久瀉至此猶恐無及蓋五
奪之中惟瀉最急是不可見之不早也倘藥未及效仍宜速
灸氣海以挽回下焦之陽氣仍須多服人參膏

一酒泄證飲酒之人多有之但酒有陰陽二性人有陰陽二臟而人多不能辨也夫酒性本熱酒積則寒人但知酒有濕熱而不知酒有寒濕也故凡因酒而生濕熱者因其性也以藥汁不滋陰而悍氣生熱也因酒而生寒濕者因其質也以性去質不去而水雷為寒也何以辨之常見人有陽強氣克而善飲者亦每多泄瀉若一日不瀉反云熱悶蓋其隨飲隨瀉則雖瀉不致傷氣而得瀉反以去濕此其先天稟厚胃氣過人者也最不易得亦不多見此而病者是為陽證不過宜清宜利如四苓散大分清飲或酒蒸黃連丸之類去其濕熱而病可愈也○若陽虛之人則與此大異蓋脾虛不能勝濕而濕勝即能生寒陽氣因寒所以回收胃氣因濕所以日虛其證則形容漸羸飲食漸減或脈息見弦細或口體體常怯寒或臍腹常有隱疼或眩暈常多因倦或不安於五鼓或加甚於

秋冬但無熱證可據而常多發泄者則總屬虛寒也凡若此者若不速培陽氣必致漸衰而日以危矣余於四旬之外亦嘗病此數年其勢已窘因徧求治法見朱丹溪曰因傷於酒每晨起必瀉者宜理中湯加葛根或不酒蒸黃連九王節齋曰飲酒便泄者此酒積熱瀉也宜加黃連茵陳乾薑木香之屬薛立齋曰若酒濕未散脾氣未虛宜用此藥分利濕熱若濕熱已去中氣被傷宜用六君調補虛氣又曰酒性大熱乃無形之物無形元氣受傷常用葛花解醒湯分消其濕凡此諸論若已盡之然朱王二家之說則不分寒熱皆用黃連是但知酒之有熱而不知酒之有寒烏足憑也惟薛氏之說雖亦云酒性大熱而所重在脾誠若善矣余因效之初服葛花解醒湯不效繼服六君子補中益氣湯又不效再服理中以至八味俱不效斯時也計窮力竭若無再生之望矣因潛思

熟計料非峻補命門終無益也乃自製胃關煎右歸丸一丸
丹等方以治其病仍絕口不飲以杜其源調理年餘竟得全
愈自後始明性理之理多得濟人向使已無確見執信濕熱
之說而妄用黃連乾葛清涼分利之劑則焉望其有今日卽
或自用稍遲則旣甚亦難挽矣矧今人之病此者最多而是
陰是陽不可不辨凡陽盛者脾強胃健而氣不易奪者也故
治本無難而泄亦無慮陽衰者脾腎旣傷則脫氣最易故宜
防其無及不可不爲深慮也若必以酒爲熱則其爲古法所
誤者誠不少矣

一氣泄證凡遇怒氣便作泄瀉者必先以怒時挾食致傷脾胃
故但有所犯卽隨觸而發此肝脾二臟之病也蓋以肝木尅
土脾氣受傷而然使脾氣木強卽見肝邪未必能入今旣易
傷則脾氣非強可知矣故治此者當補脾之虛而順肝之氣

此固大沃也但虛實有微異
氣宮年少而因氣泄瀉者可先用平胃散或胃苓湯○若肝
氣未平而作脹滿者宜解肝煎先順其氣○若脾氣稍弱者
宜二木煎或粘米固腸糕或消食導氣飲○若脾氣稍寒者
宜抑扶煎吳茱萸散或蒼朮丸○若脾弱居多者宜溫胃飲
聖朮煎或六味異功煎○若既畏此證爲患則必須切戒氣
怒

風泄證亦當辨其風寒風熱而治之熱者如傷寒外感熱利
之屬是也宜以傷寒門日利條諸法治之寒者以風寒在胃
而脾土受傷如內經所云春傷於風夏生飧泄之屬是也宜
以前溫胃理中之法治之

述古共六條

丹溪曰世俗例用瀉藥治瀉若瀉而虛者或可用之若初得之

者必變他證爲禍不小殊不知瀉多因濕惟分利小水最爲上策

薛立齋曰凡傷食瀉黃若飲食已消而泄瀉不止此脾胃之氣傷也宜用五味異功散○若泄瀉而腹中重墜此脾氣下陷也宜補中益氣湯○若服剋伐之劑而腹中窄狹此肝氣虛痞也宜六君子湯○若脇脹善怒瀉青此肝乘脾虛也宜六君加柴胡升麻木香○若少食體倦善噫瀉黃此脾虛氣陷也宜六君加升麻柴胡

又立齋曰凡久瀉脾胃虛弱或作嘔或飲食少思屬脾胃虛弱用四君子加守夏木香○或腹痛屬脾胃虛寒用六君加炮薑木香○大抵此證多由泛用消食利水之劑損其真陰元氣不能主持遂成久瀉若非補中益氣湯四神丸滋其本源後必胸痞腹脹小水淋瀝多致不起

又立齋口若久瀉腸胃滑泄不禁但脾胃虛寒下陷者用補中
益氣湯加木香肉豆蔻補骨脂○若脾氣虛寒不禁者用六
君子湯加炮薑肉桂○若命門火衰而脾土虛寒者痛八味
丸○若脾胃俱虛者用十全大補湯送四神丸○若大便滑
痢小便閉澁或肢體漸腫喘嗽唾痰脾腎氣血俱虛宜用十
全大補湯送四神丸或宜金匱加減腎氣丸○每見元氣既
虛而復用五苓之類因損真陰以致前證益甚者急投金匱
腎氣丸多有得生者若友用牽牛大黃峻劑而通之是速其
危也

又立齋日大凡黃連枳實雖消停滯開痞悶若入脾胃克實暴
患實痞宜暫用之若屢惡屢服或脾胃虛痞者用之則脾胃
反傷而諸證蜂起矣故東垣先生曰脾胃實者用黃連枳實
瀉之虛者用白朮陳皮補之

徐東皐曰六抵諸泄瀉證各宜以類推求必先分利後實脾土氣益元無無不全愈

泄瀉論列方

四苓散和一八七

五苓散和一八一

胃苓湯和百九十一

平胃散和十七

益元散寒百十二

茵陳飲新寒八

理中湯熱一

溫胃飲新熱五

二朮煎新補十二

聖朮煎新熱三五

胃關煎新熱九

佐關煎新熱

十全大補湯補二十

抑扶煎新熱十一

養中煎新熱四

補中益氣湯補三一

參朮湯補四一

參附湯補三八

五味異功散補四

改草羔新四十一

六味異功煎 新熱七

木附湯 補四二

排氣飲 新和六

六味回陽飲 新熱二

四神丸 熱 五二

一炆丹 新熱二二

八味地黃湯 補一二二

復陽丹 新熱二二

椒附丸 熱百十三

白朮芍藥散 和三五

赤金豆 新攻二

四君子湯 補一

解肝煎 新和十

四味回陽飲 新熱一

蒼朮丸 新和十七

五德丸 新熱十八

六味地黃湯 補一二二

九炆丹 新熱二三

黃芽丸 新熱二二

參苓白朮散 補五五

人參膏 補一六五

神祐丸 攻四八

葛花解酲湯 和一二四

百順丸 新攻六

五味子散 熱百五十

金匱腎氣丸 補一二六

大和中飲 新和七

五君子煎 新熱六

粘米固腸糕 新固七

大分清飲 新寒五

小和中飲 新和八

消食導氣飲 和一九七

小分清飲 新和十

吳茱萸散 熱百四十

酒蒸黃連丸 寒一七九

論外備用方

歸脾湯 補三三 脾虛泄瀉

加味六君湯 補六 脾虛

藿香正氣散 和二十 風寒

益黃散 和十九 脾寒之滯

茯苓湯 和一八九 濕熱

白朮芍藥湯 和三四 濕瀉

滲濕湯 和一七四 寒濕

胃風湯 散五七 風濕

升陽除濕湯 和一七九 調脾

麩朮丸 和二百 暑熱暴瀉

文已丸 和一百二 濕熱

猪苓湯 和一八九 寒熱下利不瀉

草果散和一九五 寒痛泄

大七香丸和一九三 寒之氣

調胃白朮散和三三 行氣和胃

太平丸寒自十九 泄瀉

大橘皮湯和一九六 濕熱水瀉

樞半胃苓湯和一九九 補胃和胃

薑苓湯寒自十八 暑瀉

黃苓芍藥湯寒八九 熱瀉

真人養臟湯和一九四 調胃

胃愛散熱七 虛寒

八味湯熱一四二 虛寒滯

八味理中丸熱七 脾胃虛寒

二神丸熱一五一 脾胃虛寒

華檢丸熱一五七 中寒

附子理中湯熱一

漿水散熱一四八 陰毒

九寶丹熱一四四 溫補脾胃

吳茱萸湯熱一三八 暑濕受寒

四柱散熱一四五 冷痛泄瀉

陳麩丸熱一六四 磨積止瀉

附子茴香散熱一四九 煖胃和中

鐵刷散熱百十 寒濕泄瀉

縮脾丸熱一六二 濕瀉

澹寮四神丸熱一五三 腎泄

補脾湯熱六九 胃寒

小已寒丸熱百七十 中寒洞泄

五味子丸熱一五六 脾腎泄

養胃湯熱七十 虛寒痛泄

厚朴丸熱一六一 寒滯脹泄

白朮聖散子熱一三七 胃腸溫胃

肉豆蔻丸熱一五八 臟寒滑泄

小安腎丸熱一六八 久瀉

訶梨勒丸熱百六十 寒消

固脾丸溫補固瀉 固五二

泄瀉經驗方固四九

痢疾

經義

通評虛實論帝曰腸澼便血何如岐伯曰身熱則死寒則生○

帝曰腸澼下白沫何如岐伯曰脉沉則生脉浮則死○帝曰

腸澼下膿血何如曰脉懸絕則死滑大則生○帝曰腸澼之

屬身不熱脉不懸絕何如曰滑大者口生懸滯者曰死以臍

期之

曰病始生篇曰陽絡傷則血外溢血外溢則衄血陰絡傷則血內溢血內溢則後血

太陰陽明論曰食飲不節起居不時者陰受之陰受之則入五臟入五臟則臍滿閉塞下為殮泄久為腸澼

大奇論曰脾脈外鼓沉為腸澼久自已○肝脈小緩為腸澼易治○腎脈小搏沉為腸澼下血血溫身熱者死○心肝澼亦下血二臟同病者可治其肝小沉滑為腸澼其身熱者死熱見七日死

論疾診尺篇曰大便赤辨殮泄脈小手足寒者難已殮泄脈小手足溫泄易已○春傷於風夏生後泄腸澼

經脈篇曰腎所生病為腸澼

陰陽別論曰陰陽虛腸澼死

氣厥論曰腎移熱於脾傳為虛腸澼死

玉機虛臟論曰泄而脉大脫血而脉實皆難治

論證共二條

痢疾一證卽內經之腸澼也古今方書因其閉滯不利故又謂之滯下其證則裏急後重或垢或血或見五色或多紅紫或痛或不痛或嘔或不嘔或爲發熱或爲惡寒此證之陰陽虛實最宜博審詳察庶不致於差失若見有不確則大致悞人前泄瀉門諸法本與此通必互相參酌用之爲善

一痢疾之病多病於夏秋之交告法相傳皆謂炎暑大行相火可令酷熱之毒蓄積爲痢今人所宗皆此一證夫痢因於暑而言其爲熱豈不宜然然炎熱者天之常令也當熱不熱必反爲災因熱貪涼者人之常事也過食生冷所以致痢多見人之慎疾者雖經盛暑不犯寒涼則終無瀉痢之患豈其獨不受熱乎此其病在寒亦不在暑熱病在人事不在天時從

可知矣但胃強氣實者雖日用水果之類而陽氣能勝故不致疾其次之者雖不即病而日用日積迨夫大火流西新涼得氣則伏陰內動乘機而起故寒濕得以犯脾者多在七八月之間此陽消陰長之徵最易見也再其次者多以脾腎本弱則隨犯隨病不必伏寒亦不必待時尤爲易見夫以生冷下咽瀉痢隨起豈卽化而爲熱乎奈何近代醫流止見此時之天熱不見此人之臟寒但見痢證開口便言熱毒反以寒涼治生冷是何異雪上加霜乎俗見相同死者不可勝言矣或曰然亦有用寒藥而愈者何也曰以胃強陽盛之人而得濕成熱者亦有之以元氣壯實而邪不勝正者亦有之此皆可以寒治而愈亦可以通利而愈而此輩極少以胃弱陽虛而因寒傷臟者此輩極多若再用寒涼或妄加蕩滌則無有不死凡今以痢疾而致死者此皆類也觀丹溪曰瀉痢一證

屬熱者多屬寒者少戴原禮曰以酷熱之毒至秋陽氣始收
火氣下降因作滯下之證皆大謬之言也不可信之因作俚
詞以志其戒

俚詞曰

夏日多炎陰邪易入暑熱是主風寒是客身不被風瘧從何致
口不受寒痢從何得治必求本軒岐金石志此微言可爲醫則
論瀉痢虛實共三條

凡治痢疾最當察虛實辨寒熱此瀉痢中最大關係若四者不
明則殺人甚易

實證之辨必其形氣強壯脉息滑實或素縱口腹或多脹滿
望痛及年少新病脾氣未損者方可用治標之法微者行之
利之甚者瀉之

虛證之辨有形體薄弱者有顏色青白者有脉離緊數而無

力無神者有脉見真弦而中虛似實者有素稟陽寒者有素
多淡素者有偶犯生冷者有偶中雨水陰寒者有偶因飲食
不調者有年衰脾弱者以上諸證凡其素無縱肆而忽患瀉
痢此必以或取或果或飲食稍涼偶傷胃氣而然果何積之
有又何熱之有總惟脾弱之輩多有此證故治此者只宜溫
調脾腎但使脾溫則寒去卽所以逐邪也且邪本不多卽用
溫補健脾原無妨碍不過數劑自當全愈切不可妄云補佳
邪氣而先用攻積攻滯及清火等藥倘使脾氣再傷則輕者
反重重者必危矣

論瀉痢寒熱

凡瀉痢寒熱之辨若果是熱則必畏熱喜冷不欲衣被渴甚飲
水多亦無碍或小便熱澀而痛或下痢純血鮮紅脉息必滑
實有力形氣必躁急多煩若熱證果真卽宜放手涼解或兼

分利但使邪去其病自愈○若無此實熱諸證而瀉痢有不
 止者必是虛寒若非溫補脾胃必不能愈即有愈者亦必其
 元氣有根待其來復而然勿謂虛寒之證有不必溫補而可
 以愈者或治痢必宜寒涼而寒涼亦可無害者皆見有未真
 也

論積垢

凡腹中積聚之辨乃以飲食之滯留畜於中或結聚成塊或脹
 滿鞭痛不化不行有所阻隔者乃為之積此皆粗粕成形之
 屬所當逐也今人不能辨察但見痢如膿垢者皆謂之積不
 知此非粗粕之屬而實附腸着臟之脂膏皆精血之屬也無
 論瘦人肥人皆有此脂但肥者脂厚瘦者脂薄未有無脂者
 也若果無脂則腸臟之間豈容單薄赤露非惟藩籬不因而
 且臟必易傷無是理也今之凡患瀉痢者正以五內受傷皆

膏不固故日剝而下若其臟氣稍強則隨去隨生猶無足慮
若臟氣至敗剝削至盡或以久瀉久痢但見血水及如屋漏
水者此在庸人云其積聚已無反稱爲善而不知脂膏刮盡
則敗竭極危之候也使今後醫家但識此爲脂膏而本非積
聚則安之固之且不暇而尚敢云攻之逐之或用苦寒以滑
之利之者否

論五色

用五色之辨如下痢膿垢之屬無非血氣所化但白者其來淺
浮近之脂膏也赤者其來深由脂膏而切膚絡也下純血者
多以血爲熱迫故隨溢隨下此其最淺者也若紫紅紫白者
則離位稍久其下不速而邑因以變或未及脉絡此其稍淺
者也若紅白相兼者此又其淺深皆及者也大都純血鮮紅
者多熱證以火性急速迫而下也紫紅紫白者少熱證以陰

凝血敗損而然也純白者無熱證以臟寒氣薄滑而然也然
有以無紅而亦因熱者此以暴注之類而非下痢之謂也有
以紫紅雖多而不可言熱者此以陰絡受傷而非暴注之比
也若辨薰蒸二色則凡黃深而穢臭者此有熱證亦有寒證
若淺黃色淡不甚臭而或兼腥餽氣者此卽不化之類皆寒
證也黑而濃厚大臭者此焦色也多有火證若青黑而腥腐
者此肝腎腐敗之色也猶以爲熱其謬甚矣雖五色之辨大
約如此然痢之見血者無非陰絡受傷卽或寒或熱但傷絡
脉則無不見血故不可以見血者必認爲熱也凡臨此證當
必以脉色形氣病因兼而察之庶不致有疑似之誤

論腹痛

凡瀉痢腹痛有實熱者有虛寒者實熱者或因食積或因火邪
但食積之痛必多脹滿堅韌或痛而拒按此必有所停滯

者宜行其滯甚者宜瀉而逐之○六邪之痛必有內熱等語
方宜清之利之然邪實於中者必多氣逆故凡治痛之法無
論是火是食皆當以行氣爲先但宜察藥性之寒熱擇而用
之可也○虛寒之痛尤所當辨蓋凡瀉痢之痛多由寒氣之
在臟也經曰痛者寒氣多也有寒故痛也又曰病痛者陰也
故凡人有過食生冷或外受寒氣卽能腹痛此可知也寒在
中者治宜溫脾寒在下者治宜溫腎也○再若虛寒刮痛之
義則人多不知蓋元氣不足於內則雖無外受寒邪而中氣
不煖卽寒證也所以瀉痢不能止飲食不能化而病有不能
愈正以陽虛多寒也且瀉痢不止胃氣旣傷膏血切膚安能
不痛此其爲痛乃因剝及腸臟而然是以痢因於痛痛因於
痢故凡以寒侵腑臟及脈絡受傷血動氣滯者皆能爲痛但
察其不實不望或喜揉按或喜煖熨或胸腹如饑而不欲食

或胃脘作嘔而多吞酸但無實熱等證則總屬虛寒安得謂
痛必因積痛皆實證耶凡治虛寒之痛者速宜溫養臟氣不
得再加消伐致令動者愈動滑者愈滑必至危矣若謂諸痛
不宜補必待痛定然後可用則元氣日去終無定期嘗見一
醫云痢疾須過七日方可用補而不知六日已死執迷不悞
愚亦甚矣但其痛之甚者當於溫補藥中稍加木香以順其
氣或多如當歸以和其血俟痛稍減則當去此二味蓋又恐
木香之耗氣當歸之滑腸也若寒在下焦而作痛者必加吳
茱萸其或痛不至甚則但以溫補脾腎爲主使脾腎漸安則
痛當自止此不必治其痛也

論裏急後重

凡裏急後重者病在廣腸最下之處而其病本則不在廣腸而
在脾腎凡熱痢寒痢虛痢皆有之不得盡以爲熱也蓋中焦

有熱則熱邪下迫中焦有寒則寒邪下迫脾胃氣虛則氣下迫欲治此者但當察其所因以治脾腎之本則無有不愈然病在廣腸已非食積蓋食積至此瀉則無留而所留者惟下陷之氣氣本無形故雖若欲出而實無所出無所出而又似欲出皆氣之使然耳故河間之用芍藥湯謂行血則使自愈調氣則後重除是固然矣然調氣之法如氣熱者涼之則調氣寒者溫之則調氣虛者補之則調氣陷者舉之則調必使氣和乃爲調氣行血之法其義亦然若但以木香檳榔當歸大黃行血散氣之屬謂之調和不知廣腸最遠藥不易達而所行所散者皆中焦之氣耳且氣既下陷而復以行之散之則氣必更陷其能愈乎矧痢止則後重自止未有痢不愈而後重能愈者也故凡欲治此者但當以治痢爲主

論大孔腫痛

凡痢疾多有六孔腫痛者其故何也蓋脾胃不和則水穀之氣失其正化而濁惡難堪之味出諸孔道此痛楚之不能免也又若火因瀉陷陽爲陰逐則胃中陽氣并逼於下無從解散此腫之所由生也所以痢多則痛多痢少則痛少痛與不痛亦由氣之陷與不陷耳故無論寒痢熱痢六孔皆能爲痛不得謂痛必由熱也欲治此者但治其痢痢止則腫痛自散亦如後重之法也白丹溪云六孔痛因熱流於下木香檳榔芩連加炒乾薑主之是但知火能爲腫爲痛亦焉知元陽之下陷也後人所宗皆其法也凡虛寒之輩其不能堪此亦多矣

論口渴

凡瀉痢之證必多口渴今人但見口渴卽認爲火而不知有火者固能渴無火者亦能渴此不可不辨也如火盛於中則渴

脾燻胃津液耗乾故酢好冰水多而不厭愈涼愈快陰節陰
消者此因熱而渴治宜涼也○又如口熱作渴雖欲飲水而
飲不能多者卽非真火不宜涼也凡口雖乾渴喜涼而復不
喜涼者是卽寒聚於中而無根之火浮戴於上此最忌寒涼
者也然渴有真渴有似渴真渴者必好茶飲但以喜熱喜涼
卽可辨其寒熱似渴者乾也非渴也口雖乾而不欲湯飲則
尤非熱證可知也然瀉痢之證因其水泄於下必津涸於上
故不免於渴渴而欲飲正以內水不足欲得外水以相濟也
豈必皆因於火乎諸如此者必當詳審其有火無火若火有
餘者自當清火水不足者自當滋陰是固然矣然氣爲水母
其有氣虛不能生水者不補其母則水不能生而渴不止也
七爲水主其有脾虛不能約水者不強其主則水不能畜而
渴不止也使能不治其渴而治其所以渴又何渴病之有

論小水

凡瀉痢之證小水必多不利或多黃赤此其寒熱虛實大有關係不可不察也若暴注之瀉以其清濁不分水穀并歸於大腸故水有不利者惟其暫也若痢疾之小水則病本不一今人但見黃赤不利無不云其爲熱誤者多矣凡因於熱者必其熱赤之甚或多澁痛或見鮮血然必上下皆有熱證方是真熱此宜清涼治之若非真熱則或以中寒而逼陽於下者有之或以瀉痢亡陰而水虧色變者有之或以下焦陽氣不煖而水無以化者有之或以妄用滲利而沛逼乾汗者亦有之但察其三焦無火則雖黃雖瀉總皆亡陰亡液之證不得逆以熱論遂當培補真陰乃爲良法內經曰中氣不足溲便爲之變至哉斯言何今人之不能察也不獨此也每見有小水清白而兼腹痛者仍用苓連之類未則不知其何謂可恨

論陰陽疑似

陰陽之道卽養生治病之本而人有不易知者以其有莫測之
妙也夫陰陽之用欲其相濟不欲其相賊相濟者相和者也
陰中不可無陽陽中不可無陰也相賊者相害者也陽賊陰
則爲焦枯陰賊陽則爲寂滅也凡諸爲病者無非陰陽相賊
而有失其和耳蓋陰陽之性陰常喜靜而惡動陽常喜煖而
畏寒及其相賊則陰畏陽之亢所以陰遇陽邪非枯則稿陽
畏陰之毒所以陽逢陰寇不走卽飛此陰陽相妬之譏誠多
難測凡諸病劇而有假真疑以者卽其證也而尤於傷寒病
疾爲最焉若今之患痢最甚者多見上下皆有熱證而實非
真熱者何以見之如煩則似熱非熱躁則似狂非狂懊懣不
寧莫可名狀此非真陽證也蓋以精血敗傷火中無水而陰

矢其靜故煩躁若此也又如飛者飛於上走者走於下飛於上則爲口渴喉乾或面紅身熱走於下則爲孔熱孔痛或便黃便血此非實熱證也蓋以水火相刑陽爲陰逐而火離其位故飛走若此也今之人但見此等證候僉曰察病不離形證形證之熱旣已若此而猶謂之寒何其妄也是但知外之有熱而不知內之有寒也知上下之有熱而不知中焦之有寒也又豈知煩躁之爲陰虛而飛走之爲陽虛也余言若此聞者果能信乎將猶疑乎疑似之間猶不可不辨也且如肌表皆有熱證本當惡熱而反不舍衣被或臍腹喜煖而宜熨宜按者此則外雖熱而內則有寒也又如九竅皆有熱證必虛冷飲然有口欲寒而腹畏之故凡寒冷下咽則或增嘔惡或加腹疼或噎塞不行而反生脹悶或口舌雖有瘡痛而反欲熱湯飲者此則上下雖熱而中焦之有寒也此外有陽氣

素弱及脉色少神如前論等證若止知
內本因寒而再加以寒則寒涼入胃而
及而中寒必更甚故致飛者愈飛走者
欲孤陽之不滅不可得也故凡治此者
但能引火歸原使丹
田煖則火就燥下原因則氣歸精此陰
陽顛倒之神理而或
者昧之亦猶苦海無邊未得其岸故余
悉此用垂普救之衣
鉢云

論治其十條

凡治痢之法其要在虛實寒熱得其要則
萬無一失失其要則

爲害最多辨論如前所當熟察前如泄
瀉門調治諸法俱宜

酌用

一生冷初傷飲食失調而胃氣未損元氣
未虧或爲痛爲脹爲

暴瀉暴痢等證而食滯有未清者宜抑
扶煎五德丸或乎胃

散胃苓湯五苓散之類暑祛寒滯愈之極易

一脾腎虛弱之輩但犯生冷極易作痢無論大人小兒凡係脾

虛致痢別無實熱等證者先宜佐關煎溫其脾氣如或稍淡

而病及肝腎者即宜胃關煎為最妙之治勿以新病畏而弗

用也或五德丸四神丸之類俱可間用

一病痢凡脾腎俱虛而危劇可畏者只宜以胃關煎為最溫胃

飲次之或相機間用亦可或兼用四維散九炆丹復陽丹庶

可保全也

一痢疾嘔惡兀兀欲吐或間食氣即見惡心者此胃氣虛寒不

能容受而然必宜溫補安胃用五君子煎或六味異功煎溫

胃飲聖米煎之類主之○嘔甚者宜六味回陽飲之屬主之

○若陰中火虛氣不歸原而嘔者宜胃關煎理陰煎主之○

若胃火上衝而致區土者可必宜百煎長壽等登方寸寸

涼降火等藥宜大分清飲益元散之類主之

濕熱邪盛而煩熱喜冷脉實腹滿或下痢純紅鮮血者宜清
流飲黃芩芍藥湯或用香連丸或用河間芍藥湯○熱甚者
宜大分清飲或茵陳飲此等藥若數劑不效便當思顧脾胃
矣

痢有發熱者似乎屬火宜從涼治然實熱之證及未必發熱
惟痢傷精血陰虛水虧者則最多為熱為躁也如或虛中有
火脉見有力者宜加減一陰煎或保陰煎主之○若脉本無
力全屬虛火則不可治火單宜壯水補陰如三陰煎及六味
八味等丸○若陰盛格陽而為外熱者必宜胃關煎及右歸
飲之屬主之

痢疾初作氣稟尚強或因縱肆口腹食飲停滯凡有實邪脹
痛堅滿等證而形氣脉氣俱實者可先去其積積去其痢自

止宜承氣湯或神祐丸百順丸主之或此通因通用癉隨痢減之法也但此等用之若以脾胃虛寒致痢而妄用此藥敗元陽者多致不可解救最當慎也

用赤金豆以微痢之證便必須確審然後及寒涼尅伐等劑再

一禁口不食乃痢疾最危之候而自古未

有明辨觀丹溪云禁

口痢胃口熱甚故也用黃連人參煎汁

終日呷之如此再喫

但得一呷下咽便好人不知此多用溫

藥甘味此以火濟火

以滯益滯也亦有誤服熱毒之藥犯胃

者當推明而祛其毒

此丹溪之說也而不知禁口之辨其義

最微豈皆胃口熱甚

而總以黃連可治乎蓋噤口者以食不

得入雖亦有實熱證

而惟脾胃虛寒者居多若因食積胃中

而噤口者其胸腹必

有脹滿或見鞭痛此當行滯去積積滯

去而食自入如青陳

查朴之屬是也有因火鬱胃中而噤口

者其臟腑必多燥熱

或脈見洪數此當瀉火去熱邪熱去而食自入如不進者
之屬是也凡此者皆以邪畜於中乃噤口之實證也然實證
無幾而近之病者每察其胃口則多無脹滿等證或察其火
邪則亦非實熱等證但見其有出無入而胃口日窮精神日
敗蓋其既無脹滿本非積也又無真熱本非火也無積無火
而食不能入其故何也以臟氣不能容受也不能容受其故
有二蓋一由脾氣之弱故或爲嘔惡或爲吞酸或惡聞食氣
而泛泛不寧或饑不能食而枵枵待困此以中焦不運故食
不能入責在脾也一由腎氣之弱故命門不能煖則大腸不
能固小腸不能化則胃氣不能行此以下焦失守而化源無
主責在腎也欲健中焦非人參白朮乾薑甘艸之屬不可欲
實下焦非熟地附子吳茱萸肉桂之屬不可脾腎強而食自
入其理甚明其應如響余之活人於此者不勝紀矣如丹溪

之用黃連及以火濟火以滯益滯之說乃悉以實火爲言特
一曲之見耳局人意智絕人生幾此其關係非小不得信以
爲然

久痢陽虛或因攻擊寒涼太過致竭脾腎元神而滑脫不止
者本源已敗雖峻用溫補諸藥亦必不能奏效矣宜速灸百
會氣海天樞神關等穴以回其陽庶或有可望生者

述古共八條

仲景曰夫六腑氣絕於外者手足寒上氣腳縮五臟氣絕於內
利不禁下甚者手足不仁○下痢腹脹滿身體疼痛者先溫
其裏乃攻其表溫裏宜四逆湯攻表宜桂枝湯

褚氏遺書曰陰已耗而復竭之則大小便牽疼愈疼則愈欲大
小便愈便則愈疼

東垣曰飲食有傷起居不時損其胃氣則上升青華之氣反從

下降是爲殮泄久則太陰傳少陰而爲腸澼裏急後重崩血
相雜數至固而不能卽便者專用補中益氣湯爲主使升降
之道行其痢不治自消矣○裏急者腹中不寬快也亦有虛
坐而大便不行者皆血虛也而虛則裏急後重
薛立齋曰若白痢久胃弱氣虛數至固而不能便或少有白膿
者乃土不生金肺與大腸氣傷而下墜也當用補中益氣湯
舉其陽氣則陰自降而二便自愈○若飲食不入發熱作渴
勢甚危急用十全大補湯如不應送二神丸○若紅痢久胃
弱血虛脾經血熱下注而不愈者用四物加白朮茯苓○若
脾經氣虛不能統血而不愈者用四君加川芎當歸○若中
氣下陷不能攝血而不愈者用補中益氣湯
凡嘔吐食不得下其或脾胃素有實熱或過食辛辣厚味而
暴患者宜開胃行滯○若胃氣虛隔嘔吐者宜六君加生薑

凡痢腹痛後重怕手按腹或脉洪實者為積滯閉結宜疎通之○若腹痛後重喜手按腹或脉微細為陽氣虛寒宜六君乾薑温補脾氣

凡氣血虛而作痢若脾虛血弱者宜四君子湯○胃虛血弱者補中益氣湯○久病氣血俱虛者八珍湯○若脾氣虛寒下陷補中益氣湯加粟殼薑桂如不應急用附子○若氣血虛弱宜十全大補湯加附子粟殼○若命門火衰宜八味丸以補母氣○若腹痛作渴飲湯手按之而痛稍止者俱宜温補脾胃

徐東臯曰凡痢疾之治須審病者氣體厚薄曾無通瀉及用攻積苦寒之藥脉之有力無力及正氣邪氣有餘不足對證施治未有弗效今醫治痢多峻用下劑及苦寒太過鮮有不致誤者况年高與體弱之人遂致元氣虛昏反不能支胃氣既

虛其痢益甚有陽虛陷入陰中則脫血陣陣而下者曷能計
血痢不已仍用苦寒漸至勝絕四肢厥冷而死者曷可勝紀
且今人之患痢者多有脾胃先虛而後積滯通滯之劑宜酌
用也稍或過之遂致虛說益有由焉

附按 共三條

王海臈治楊師三朝三大醉至醒發大渴飲冷水冰茶各三杯
遂病便血約一盆先用吳茱萸丸又用平胃五苓各半散三
大服血止後復爲白痢又與神應丸四服白痢乃止或曰何
不用黃連之類以解毒而又用溫熱之劑予曰若用寒涼其
疾必大變蓋寒毒內傷復用寒涼非其治也况血爲寒所凝
浸入大腸而下得溫乃行所以用溫熱其血自止經曰治病
必求其本此之謂也胃既得溫其血不凝而自行各守其鄉
也觀此治法可見治血痢者豈可偏執爲熱乎○又海臈曰

暑月久血痢不可用黃連陰在內也

夷堅甲志云昔虞丞相自渠川被召途中冒暑得泄痢連月羅壁間有韻語云暑毒在脾溫氣連脚不泄則痢不痢則瘧獨煉雄黃蒸餅和藥甘草作湯服之安樂別作治療醫家大錯如方製服其疾隨愈按此說頗奇雖未及用姑亦錄之以存其法

唐太宗實錄云貞觀中上病氣痢久未痊服衆醫藥不應因下詔訪問時金吾長張實臙曾因此疾卽具疎以乳煎葦菱方上服之立效宣下宰臣與五品官魏徵難之逾月不擬上疾復發復進之又平因問左右曰進方人有功未見除授何也徵懼曰未知文武二吏上怒曰治得宰相不妨授三品我豈不及汝耶卽命與三品文官授鴻臚寺卿其方用牛乳半斤

抑扶煎新熱十一

佐關煎新熱十

胃關煎新熱九

五苓散和一八二

胃苓湯和百九十

溫胃飲新熱五

平胃散和十七

四逆湯熱十四

百順丸新攻六

四君子湯補一

五德丸新熱十八

四神丸熱一五三

五君子煎新熱六

二神丸熱一五二

復陽丹新熱二十

六君子湯補五

四維散新熱十二

九蒸丹新熱二三

吳茱萸丸熱一四一

六味丸補一二一

八味丸補一二二

大分清飲新寒五

理陰煎新熱三

右歸飲新補三

六味異功煎新熱七

八珍湯新十九

三陰煎新補十一

十全大補湯補二十

神應丸未收

清流飲新寒六

加減一陰煎新補九

益元散寒百十二

承氣湯攻一

黃芩芍藥湯寒百九

聖木煎新熱二五

論外備用方

歸脾湯補三三

四物湯補八

六味回陽飲新熱二

保陰煎新寒一

桂枝湯散九

補中益湯補三

茵陳飲新寒八

香連丸寒百十三

河間芍藥湯攻三二

神祐丸攻四八

赤金豆新攻二

大防風湯補九九

寶湯補丸七

戊巳丸和二百一 温熱

斗門方和二九 毒痢膿血

真人養臟湯和一九四 調和

大黃湯攻十一

黃芩湯寒百五 乾嘔痢

黃芪散寒百八 熱赤痢

專撥丸熱一五七 寒痢

白通湯熱一四六 少陰痢

附子茴香散熱一四九 瀉胃和中

桃花丸固五六 冷滑久痢

固腸丸固五三 温補固澀

生地黄湯固五七 熱血痢

大七香丸和一三三 寒氣

黃芩半夏生薑湯和廿六 乾瀉

藿香正氣散和二十 寒滯

簡易八方和二一 温熱

木香化滯湯寒百十 濕熱滯

六神丸寒百十四 貪積熱痢

理中湯熱一 中寒

白朮聖散子熱一三七 固腸温瀉

桂香丸熱一六三 冷滑不禁

固腸散固五十 温固

訶梨勒丸熱百六十 寒滑痢

大斷下丸固五四 温澀

瀉腸散固二八六 傳後

胃腸黃芪湯補丸八姓娠下痢升陽除濕防風湯和百八山

淋芥武國五六令

翻毛茴香煎一四六

白飯煎一四六 小劉煎一

軍煎一五 寒麻煎一 白

黃荊煎一 寒百入煎一 寒表煎一

黃芩煎一 寒自立煎一 苦煎一

大黃煎一 寒煎一

真入煎一 寒煎一 寒煎一

平門煎一 寒煎一 寒煎一

交門煎一 寒煎一 寒煎一

寒煎一 寒煎一

各附

會稽 張介賓 會卿著

會稽 曾 超 謙菴訂

心腹痛

經義

與痛論帝曰願聞人之五臟卒痛何氣使然岐伯對曰經脈流
 行不止環周不休寒氣入經而稽遲泣而不行客於脈外則
 血少客於脈中則氣不通故卒然而痛○帝曰其痛或卒然
 而止者或痛甚不休者或痛甚不可按者或按之而痛止者
 或按之無益者或喘動應手者或心與背相引而痛者或脇
 肋與少腹相引而痛者或腹中痛引陰股者或痛宿昔而成積
 者或卒然痛死不知人少間復生者或疝而嘔者或腹痛而

後泄者或痛而閉不通者屬此諸痛各不同形別之奈何○

岐伯曰寒氣客於脉外則脉寒脉寒則縮縮縮則脉絀急

絀急則外引小絡故卒然而痛如得炁則立止因重中於寒則

痛久矣○寒氣客於經脉之中與炁相薄則脉滿滿則痛

而不可按也寒氣稽留炁氣從上則脉克大而血氣亂故痛

甚不可按也○寒氣客於腸胃之間膜原之下血不得散小

絡急引故痛按之則血氣散故按之痛止○寒氣客於俠脊

之脉則深按之不能及故按之無益也○寒氣客於衝脉衝

脉起於關元隨腹直上寒氣客則脈不通脈不通則氣因之

故喘動應手矣○寒氣客於背俞之脉則脉泣脉泣則血虛

血虛則痛其俞注於心故相引而痛按之則熱氣至熱氣至

則痛止矣○寒氣客於厥陰之脉厥陰之脉者絡陰器繫於

肝寒之氣客於脉中則而泣脉急故脇肋與少腹相引痛矣○